

Izveštaj o radu Uprave policije MUP-a Kantona Sarajevo za mjesec mart 2018. godine

KRIMINALITET

1.1. OSNOVNI STATISTIČKI POKAZATELJI KRIMINALITETA

U mjesecu martu 2018. godine, na području Kantona Sarajevo registrovano je 399 krivičnih djela što je za osam ili 2% više u odnosu na isti mjesec prethodne godine.

Od ukupnog broja registrovanih krivičnih djela, 199 ili 49,9% izvršena su od strane poznatih, a 200 ili 50,1% od strane nepoznatih izvršilaca.

Za 72 djela ili 36% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega je 35 krivičnih djela iz izvještajnog, a 37 iz ranijeg perioda.

Iz naprijed navedenog proizilazi da su službenici Uprave policije MUP-a Kantona Sarajevo u mjesecu martu 2018. godine za ukupno 271-no krivično djelo ili 67,9%.

Zbog postojanja osnova sumnje da su počinili krivična djela prijavljeno je 289 lica (75 više), od čega su 162 povratnika (35 više) u izvršenju krivičnih djela (ili 56,1% od ukupnog broja prijavljenih lica), 10 maloljetnika (četiri više), a 113 lica je lišeno slobode (23 više).

Pregled kriminaliteta na području Kantona Sarajevo u mjesecu martu 2018/17. godine posmatrano po glavama KZ FBiH-a (Sl. novine FBiH-a br. 36/03) i KZ BiH-a (Sl. glasnik BiH-a br.3/03)

KRIVIČNA DJELA PROTIV	MART 2018.	MART 2017.	uporedba		rasvj. mart 2018.	
			+/-	%	broj kd	%
ŽIVOTA I TIJELA	11	13	-2	-15,4%	10	90,9%
SLOBODE I PRAVA ČOVJEKA I GRAĐANINA	17	13	4	30,8%	16	94,1%
BRAKA, PORODICE I MLADEŽI	20	19	1	5,3%	20	100%
ZDRAVLJA LJUDI	68	43	25	58,1%	68	100%
PROTIV PRIVREDE, POSLOVANJA I SIGURNOSTI PL..	1	2	-1	-50%	1	100%
IZ OBLASTI POREZA	0	1	-1	---	0	---
IMOVINE	237	255	-18	-7,1%	112	47,3%
OKOLIŠA	2	1	1	100%	2	100%
OPĆE SIGURNOSTI LJUDI I IMOVINE	5	7	-2	-28,6%	4	80%
SIGURNOSTI JAVNOG PROMETA	12	14	-2	-14,3%	12	100%
PRAVOSUĐA	5	4	1	25%	5	100%
JAVNOG REDA I PRAVNOG PROMETA	14	10	4	40%	14	100%
PODMIČIVANJA I KD PROTIV SL. I DRUGE ODGOV...	2	2	0	ISTO	2	100%
ZONDINOIM-a (Sl.novine Kantona Sarajevo br.38/07)	5	7	-2	-28,6%	5	100%
UKUPNO	399	391	8	2%	271	67,9%

U mjesecu martu 2018. godine u odnosu na isti mjesec prethodne godine, zabilježeno je neznatno povećanje broja registrovanih krivičnih djela za osam ili 2%. Povećanje je zabilježeno u

oblastima protiv zdravlja ljudi (za 25 djela), slobode i prava čovjeka i građanina (za četiri), javnog reda i pravnog prometa (za četiri), itd., dok je smanjenje evidentirano u oblastima protiv imovine (za 18 djela), života i tijela (za dva), opće sigurnosti ljudi i imovine (za dva), sigurnosti javnog prometa (za dva djela), itd.

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

Tokom mjeseca marta 2018. godine u ovoj oblasti evidentirano je 11 krivičnih djela (dva manje u odnosu na mart 2017. godine) i to: teška tjelesna ozljeda – tri (četiri manje) i lahka tjelesna ozljeda – osam djela (četiri više).

Ukupno je rasvijetljeno deset djela iz ove oblasti (ili 90,9%), a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv devet lica, od kojih su dva povratnika u činjenju krivičnih djela.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 17 krivičnih djela (četiri više) i to: ugrožavanje sigurnosti - 16 i narušavanje nepovredivosti doma - jedno djelo, za čije izvršenje je prijavljeno 16 lica od kojih je deset povratnika, a dva su lišena slobode.

KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirano je 20 djela iz ove oblasti (jedno više) i to: nasilje u porodici - 19 i izbjegavanje izdražavanja - jedno djelo, a zbog postojanja osnova sumnje da su počinili ova djela prijavljeno je 20 lica, od čega je 13 povratnika (ili 65%), a 13 je lišeno slobode.

KRIVIČNA DJELA PROTIV ZDRAVLJA LJUDI

Prijavljeno je 68 krivičnih djela iz oblasti protiv zdravlja ljudi (25 više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – tri,
- posjedovanje i omogućavanje uživanja opojnih droga (čl. 239. KZ FBiH) – 65 djela.

Zbog postojanja osnova sumnje da su počinili navedena djela podneseni su službeni izvještaji protiv 70 lica, a 45 je lišeno slobode.

Pregled oduzete količine opojnih droga u mjesecu martu 2018/17. godine

VRSTA OPOJNE DROGE	mart 2018. godine	mart 2017. godine
Marihuana (u gramima)	82	350
Marihuana (paketići)	17	29
Marihuana (joint)	5	---
Heroin (paketići)	4	8
Amfetamin (u gramima)	---	68
Amfetamin (paketići)	20	25
Kokain (paketići)	---	1
Kokain (u gramima)	---	15
Ecstasy (tablete)	34,5	71
Cannabis (sjemenke)	100	----
Cannabis (biljke)	1	---
pribor sa ostacima droge	12	8

KRIVIČNA DJELA PROTIV IMOVINE

U izvještajnom mjesecu, registrovano je 237 krivičnih djela protiv imovine, što je za 18 djela ili 7,1% manje u odnosu na uporedni mjesec. Među djelima iz ove oblasti najbrojnije su: teške krađe – 120 djela (27 manje), zatim krađe – 40 (pet više), razbojništvo – 44 (14 više), oštećenje tuđe stvari – 12 (dva manje), teška krađa u pokušaju – pet (tri više), utaja - dva (jedno više), itd.

Za ukupno 112 ovih djela ili 47,3% identifikovan je osumnjičeni izvršilac.

Kada su u pitanju teške krađe, prema objektu izvršenja najbrojniji su bili stambeni objekti - 52 puta (četiri manje u odnosu na mart prethodne godine), zatim motorna vozila (otuđenja pmv i “provale” u ista) - 48 slučaja (17 manje), poslovni prostori - 18 (jedan manje), itd.

Na području Kantona Sarajevo u mjesecu martu ove godine izvršeno je 31-no krivično djelo teških krađa motornih vozila od čega je sedam ili 22,6% pronađeno i vraćeno vlasnicima (Uprava policije MUP-a KS vratila je dva vozila, MUP RS-a – tri, drugi MUP-ovi - jedno i vlasnici su pronašli – jedno vozilo).

Zbog postojanja osnova sumnje da su učestvovali u otuđenju motornih vozila nadležnom tužilaštvu podneseni su službeni izvještaje protiv dva lica.

Broj teških krađa motornih vozila u odnosu na uporedni mjesec, znatno je smanjen i to za 13 vozila ili 29,5%.

Prijavljeno je 40 krivičnih djela krađe (pet više), koje su izvršene 20 puta u poslovne prostorije, šest puta u vozila i na stajalištima GRAS-a, pet u stambene objekte, sedam puta na ulici, itd. odakle su otuđivani novčanici, tehnička roba, garderoba, alati, prehrambeni proizvodi, bicikli, itd.

U mjesecu martu 2018. godine, registrovana su 44 krivična djela razbojništva (14 više), od čega su za 23 djela ili 52,3% identifikovani osumnjičeni izvršiocima što je za 14,4% manja rasvijetljenost ovih djela u odnosu na uporedni mjesec.

Krivična djela razbojništva izvršena su prijetnjom upotrebe vatrenog oružja - 29 puta, prijetnjom upotrebe noža ili drugog oštrog predmeta – šest i upotrebom fizičke snage – devet puta, a počinjena su u prodavnicama – 17 puta, u sportskim kladionicama - 14 puta, na ulici - osam i u apotekama - pet puta. Otuđivan je novac, nakit, mobiteli, itd.

Za izvršenje krivičnih djela razbojništva nadležnom tužilaštvu podneseni su službeni izvještaji protiv 19 lica, od kojih je 16 povratnika u činjenju krivičnih djela (ili 84,2%), a devet je lišeno slobode.

Evidentirano je 12 krivičnih djela teških krađa na naročito opasan ili naročito drzak način (šest više) u kojima su izvršiocima, upotrebom fizičke snage – šest puta, te verbalnom prijetnjom u šest slučaja, otimali mobitele, tašne i novac. Ova djela izvršena su na ulici osam puta, u apotekama i na benzinskim pumpama - po dva puta.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je pet djela (dva manje) i to: izazivanje opće opasnosti - četiri i nesavjesno čuvanje pasa i drugih opasnih životinja - jedno djelo, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv četiri lica, povratnika u činjenju krivičnih djela, a tri su lišena slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 14 krivičnih djela (četiri više) i to: nasilničko ponašanje – 12 i nedozvoljeno držanje oružja ili eksplozivnih materija – dva djela.

Zbog postojanja osnova sumnje da su počinili navedena krivična djela, nadležnom tužilaštvu podneseni su službeni izvještaji protiv 22 lica, od kojih je 13 povratnika (59,1%), a pet je lišeno slobode.

KRIVIČNA DJELA POČINJENA OD STRANE MALOLJETNIH LICA

U toku mjeseca marta 2018. godine **prijavljeno je 10 maloljetnika** zbog osnova sumnje da su **izvršili 20 krivičnih djela**. U poređenju sa istim mjesecom 2017. godine, broj prijavljenih maloljetnih učinilaca krivičnih djela povećan je za četiri ili 66,7%, a broj krivičnih djela za čije izvršenje su prijavljena maloljetna lica povećan je za 13 ili 185,7%.

Među maloljetnim izvršiocima krivičnih djela, dva su u dobi između 14 i 16 godina, a osam je u dobi od 16 do 18 godina. Jedan maloljetni izvršilac je povratnik u izvršenju krivičnih djela.

Maloljetna lica su prijavljena za izvršenje 20 krivičnih djela i to:

- teška krađa – 14 djela (nije bilo u martu 2017. godine),
- nasilničko ponašanje – tri (jedno djelo u uporednom mjesecu),
- lahka tjelesna ozljeda – dva (jedno djelo) i
- razbojništvo - jedno djelo (u uporednom mjesecu tri djela).

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca marta 2018. godine na području Kantona Sarajevo nije registrovano aktiviranje minsko-eksplozivnih sredstava (u uporednom mjesecu jedan slučaj).

U proteklom mjesecu ove godine evidentirane su 23 anonimne dojave o postavljenoj eksplozivnoj napravi (u uporednom mjesecu jedna anonimna dojava). Za sada su u sedam slučajeva identifikovani izvršiocima (šest maloljetnih i jedan punoljetni izvršilac) i protiv njih su preduzete zakonske mjere. U toku su aktivnosti na pronalaženju ostalih izvršilaca.

U cilju preventivnog djelovanja na sprječavanju pojave lažnih dojava o postavljenim eksplozivnim napravama sačinjen je Plan aktivnosti edukacije učenika i nastavnog osoblja u srednjim školama na području Kantona Sarajevo, na osnovu kojeg je započeta edukacija učenika, nastavnog osoblja i roditelja u srednjim školama na području Kantona Sarajevo. Cilj edukacije je preventivno djelovanje i

dodatna edukacija učenika, te podizanja nivoa svijesti o štetnosti ovakve vrste protivpravnog ponašanja, kao i svim posljedicama koje ova krivična djela mogu imati. Policijski službenici tokom realizacije planirane teme apeluju i upozoravaju na suzdržavanje od svih vrsta protivpravnog ponašanja, pa tako i lažnih dojava o postavljenim eksplozivnim sredstvima.

Tokom mjeseca marta 2018. godine na području Kantona Sarajevo održano je 40 predavanja na navedenu temu.

POŽARI

Tokom mjeseca marta 2018. godine, na području Kantona Sarajevo registrovano je osam požara (12 manje), koji su za posljedicu imali materijalnu štetu.

Požari su registrovani na području općina: Ilidža – tri, Centar – dva, Stari Grad, Novo Sarajevo i Novi Grad - po jedan požar.

Prema statističkim pokazateljima, tri požara su izazvana namjerno, tri zbog tehničkih nedostataka, jedan požar je prouzrokovan nehatom, dok uzrok jednog požara spada u kategoriju ostalih.

Zbog izazivanja požara nadležnom tužilaštvu je podnesen jedan službeni izvještaj iz člana 323 KZ FBiH (izazivanje opće opasnosti).

1.4.3. SAMOUBISTVA

U mjesecu martu 2018. godine na području Kantona Sarajevo registrovana su dva samoubistva (četiri manje) izvršena vješanjem i upotrebom vatrenog oružja.

Samoubistva su izvršena na području općina Stari Grad i Centar. Izvršioci su muškarci starosti: 28 i 65 godina.

JAVNI RED I MIR

U toku mjeseca marta 2018. godine zbog raznih oblika narušavanja javnog reda i mira izvršene su 304 prekršajne sankcije (naloga - 252, zahtjeva - 52), što u odnosu na mjesec mart 2017. godine predstavlja smanjenje za 18 ili 5,6%. Prekršajne sankcije preduzete su protiv 324 lica, što u odnosu na isti mjesec 2017. godine predstavlja smanjenje za 19 ili 5,5%.

Najveći broj naloga i zahtjeva odnosi se na prekršaje utvrđene Zakonom o prekršajima protiv javnog reda i mira – 270 (ili 88,8%), dok se na prekršaje utvrđene Odlukom općinskih vijeća o javnom redu i miru odnose 34 prekršajna naloga i zahtjeva (ili 11,2%).

Prema starosnoj strukturi učinilaca prekršaja, najbrojniji su oni preko 36 godina (203), zatim između 26 i 35 godina (73) i između 19 i 25 godina (45), dok je maloljetnih izvršilaca bilo tri. Među učiniocima prekršaja iz oblasti javnog reda i mira, 37 je povratnika u izvršenju ovih prekršaja.

Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, nije bilo teže povrijeđenih lica (u uporednom mjesecu 2017. godine bilo je jedno lice teže povrijeđeno), dok je lakše povrijeđeno šest lica (15 ili 71,4% manje).

Posmatrano po policijskim upravama, najveći broj prekršajnih sankcija preduzeli su policijski službenici Druge policijske uprave (130 ili 42,8% od ukupnog broja), a zatim Prve PU (45 ili 14,8%), Treće PU (34 ili 11,2%), Četvrte PU (32 ili 10,5%), Pete PU (31 ili 10,2%), Sedme PU (18 ili 5,9%), te Šeste PU (14 ili 4,6).

Tabelarni pregled strukture prekršaja iz oblasti javnog reda i mira
za mjesec mart 2018/2017.godine

PREKRŠAJI IZ ZAKONA O JRIM:	mart 2018.	mart 2017.	+ - %
<i>-Tuče</i>	33	31	2 ili 6,4%
<i>-Naročito drsko ponašanje</i>	26	39	-13 ili 33,3%
<i>-Odbijanje naređenja i omalovaž. pol. služb.</i>	31	21	10 ili 47,6%
<i>-Prosjačenje</i>	140	136	4 ili 2,9%
<i>-Svađa, vika, nepristojno ponašanje</i>	8	7	1 ili 14,3%
<i>-Ostali prekršaji iz Zakona o JRiM</i>	32	38	-6 ili 15,8%
Prekršaji prema Odluci općinskog vijeća o JRiM	34	50	-16 ili 32%
Ukupno	304	322	-18 ili 5,6%

Prema strukturi prekršaja **najbrojniji su prekršaji učinjeni prosjačenjem** (140 ili 46%), zatim tučama (33 ili 10,8%), odbijanjem naređenja i omalovažavanjem policijskih službenika (31 ili 10,2%), naročito drskim ponašanjem (26 ili 8,5%), te prekršaji učinjeni svađom, vikom i nepristojnim ponašanjem (osam), te na druge načine (32).

U odnosu na isti mjesec 2017. godine, u proteklom mjesecu **smanjen je** broj prekršaja izvršenih naročito drskim ponašanjem, te drugim oblicima narušavanja javnog reda i mira, dok je **povećan** broj prekršaja učinjenih tučama, odbijanjem naređenja i omalovažavanjem policijskih službenika, prosjačenjem, te svađom i vikom.

Najveći broj prekršaja iz oblasti javnog reda i mira izvršen je na **ulici i na drugim otvorenim prostorima (273 ili 89,9%)**, a znatno manje u ugostiteljskim objektima (11), u vozilima javnog saobraćaja, školama i školskim dvorištima, u trgovinskim i zanatskim radnjama (po dva) i na ostalim mjestima (14).

Tabelarni pregled broja prekršajnih sankcija, prema mjestu izvršenja
u mjesecu martu 2018/2017. godine

MJESTO IZVRŠENJA	mart 2018.	mart 2017.	+ - %
Ugostiteljski objekti	11	9	2 ili 22,2%
Ulice i drugi otvoreni prostori	273	302	-29 ili 9,6%
Vozila javnog saobraćaja	2	0	2
Sportski stadioni i dvorane	0	0	---
Škole i školska dvorišta	2	4	-2 ili 50%
Trgovine i zanatske radnje	2	1	1 ili 100%
Ostala mjesta	14	6	8 ili 133,3%
UKUPNO	304	322	-18 ili 5,6%

U odnosu na isti mjesec 2017. godine, u proteklom mjesecu povećan je broj prekršaja izvršenih u ugostiteljskim objektima, vozilima javnog saobraćaja, u trgovinskim i zanatskim radnjama i na ostalim mjestima, dok je smanjen broj prekršaja na ulicama i drugim otvorenim prostorima i u školama i školskim dvorištima.

Na području Kantona Sarajevo u mjesecu martu 2018. godine održan je 251 javni skup (13 ili 5,5% više u odnosu na mart 2017. godine). Policijski službenici su proveli planske aktivnosti na obezbjeđenju javnih skupova, koji su protekli bezbjedno, a u 59 slučajeva izvršeno je KDZ osiguranje.

SAOBRAĆAJ

Tokom mjeseca marta 2018. godine, u odnosu na isti mjesec prošle godine, na području Kantona Sarajevo registrovano je povećanje ukupnog broja saobraćajnih nezgoda i nezgoda sa materijalnom štetom, dok je smanjen broj nezgoda sa nastradalim licima i broj povrijeđenih lica.

Registrovana je 781 saobraćajna nezgoda (tri ili 0,4 više), 736 sa materijalnom štetom (23 ili 3,2 % više) i 45 sa nastradalim licima (20 ili 30,8 % manje).

U naselju su registrovane 702 saobraćajne nezgode (dvije sa poginulim, 41 sa povrijeđenim licima i 659 sa materijalnom štetom), van naselja 79 nezgoda (dvije sa povrijeđenim licima i 77 sa materijalnom štetom).

Evidentirane su 122 saobraćajne nezgode na raskrsnicama u naselju, 15 na raskrsnicama van naselja, pet na pješačkom prelazu i 639 saobraćajnih nezgoda čije se karakteristike ubrajaju u kategoriju ostalih.

Uporedni pokazatelji saobraćajnih nezgoda i posljedica na području Kantona Sarajevo
za mjesec mart 2018./2017. godina

	mart 2018.	mart 2017.	+,-,%
UKUPNO SAOBRAĆAJNIH NEZGODA	781	778	+ 3 ili 0,4 %
Saobraćajne nezgode sa nastradalim licima	45	65	- 20 ili 30,8 %
Saobraćajne nezgode sa materijalnom štetom	736	713	+ 23 ili 3,2 %
POGINULO LICA	2	2	isto
- vozači	1	0	+ 1
-putnici	0	1	- 1
- pješaci	1	1	isto
POVRIJEĐENO LICA	56	84	-28 ili 33,3 %
- vozači	21	34	- 13 ili 38,2 %
- putnici	19	28	- 9 ili 32,1 %
- pješaci	16	22	- 6 ili 27,3 %

POSLJEDICE SAOBRAĆAJNIH NEZGODA

Tokom mjeseca marta 2018. godine, u saobraćajnim nezgodama na području Kantona Sarajevo 58 lica je nastradalo (28 ili 32,5 % manje). Dva lica su poginula (isto), dok je 56 lica povrijeđeno (28 ili 33,3 % manje), osam teže i 48 lakše.

Među povrijeđenim licima evidentiran je:

- 21 vozač (13 manje)
- 19 putnika (devet manje)
- 16 pješaka (šest manje)

Tabelarni pregled nastradalih lica u saobraćajnim nezgodama po kategoriji učesnika
za mjesec mart 2018./2017. godina

	POGINULI			TEŠKO POVRIJEĐENI			LAKŠE POVRIJEĐENI		
	mart 2018.	mart 2017.	+,-,%	mart 2018.	mart 2017.	+,-,%	mart 2018.	Mart 2017.	+,-,%
VOZAČI	1	0	+ 1	2	6	- 4 ili 68,7 %	19	28	- 9 ili 32,1 %
PUTNICI	0	1	- 1	1	5	- 4 ili 80 %	18	23	- 5 ili 21,7 %
PJEŠACI	1	1	isto	5	7	- 2 ili 28,6 %	11	15	- 4 ili 26,7 %
UKUPNO	2	2	isto	8	18	- 10 ili 55,5 %	48	66	- 18 ili 27,3 %

Kada je u pitanju stepen povreda, dva vozača su teže a 19 lakše povrijeđeno, jedan putnik je teže a 18 lakše povrijeđeno, dok je pet pješaka teže a 11 lakše povrijeđeno.

Starosna struktura lica povrijeđenih u saobraćajnim nezgodama je sljedeća: od 31 do 40 godina – 12 lica, od 51 do 65 godina – 11 lica, od 21 do 24 godine – šest lica, od 25 do 30 godina – šest lica, itd.

Prema kategoriji puta, najveći broj saobraćajnih nezgoda registrovan je na ulicama u naselju – 614 nezgoda u kojima je 48 lica nastradalo (dva lica poginula, 46 lica povrijeđeno), zatim na magistralnim putevima – 73 nezgode u kojima je devet lica povrijeđeno, na regionalnim putevima – 47 nezgoda (jedno lice povrijeđeno), na lokalnim putevima – 39 nezgoda (bez nastradalih lica) i na putevima koji se ubrajaju u kategoriju ostalih – osam saobraćajnih nezgoda (bez nastradalih lica).

3.1. UZROCI SAOBRAĆAJNIH NEZGODA

Od ukupno 781 uzroka saobraćajnih nezgoda, 98 je zbog neprilagođene brzine (20 lica povrijeđeno), sedam zbog uticaja alkohola (pet lica povrijeđeno), dok uzroci za 676 saobraćajnih nezgoda spadaju u kategoriju ostalih (dva lica poginula, 31 lice povrijeđeno).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca marta 2018. godine, kontrolisano je ukupno 19.944 vozila (3.031 manje), 4.674 lica u vozilima (433 manje), izvršen je pregled 183 vozila (75 manje) i 231 lice u vozilima (23 manje).

Zbog tehničke neispravnosti iz saobraćaja je isključeno 21 vozilo (22 manje), 268 vozača je zatečeno da upravljaju vozilom pod dejstvom alkohola (71 više), 333 bez korištenja sigurnosnog pojasa (208 manje), 72 bez položenog vozačkog ispita (tri više), 48 pod izrečenom zaštitnom mjerom (42 više), 512 zbog korištenja mobitela tokom vožnje (201 više), dok je 117 vozila učestvovalo u saobraćaju bez važeće registracije (isto).

Zbog kršenja propisa iz oblasti sigurnosti saobraćaja uručeno je 15.157 prekršajnih naloga vozačima (538 manje u odnosu na mart prošle godine) i podneseno 25 zahtjeva za pokretanje prekršajnog postupka (31 manje). Evidentirano je 12 krivičnih djela zbog ugrožavanja sigurnosti javnog prometa (dva manje).

MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca marta 2018. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 7.406 prekršajnih naloga (257 više), upozoreno je 575 vozača (16 više), a specijalnim vozilom “pauk” premješteno je 347 vozila (112 više).

Takođe, pješacima koji su kršili propise uručena su 183 prekršajna naloga (153 manje), a upozorena su 103 pješaka (34 manje).

ZAKONITOST U RADU

Tokom mjeseca marta 2018. godine, nisu registrovani napadi na policijske službenike (u istom mjesecu prošle godine takođe nije bilo napada).

Tokom mjeseca marta 2018. godine, razmatrano je 28 predstavki na rad službenika policije, među kojima je za 14 predstavki (jedna manje) data saglasnost da se sprovede unutrašnja istraga. Za šest predstavki je donesena odluka da se izvrše provjere i prikupi dokumentacija, za tri da nema osnova za provođenje unutrašnjih istraga, za tri da se pripoje ranijem spisu, dok je za dvije predstavke donesena odluka o nenadležnosti.

Postupano je po 38 predstavki iz ranijeg perioda po kojima su vođene unutrašnje istrage, tako da su vođene ukupno 52 unutrašnje istrage (23 više).

Okončano je 20 unutrašnjih istraga, među kojima je devet bilo bez dovoljno dokaza, šest je neosnovanih, tri su osnovane, dok je u dva slučaja stranka odustala od žalbe.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U mjesecu martu ove godine evidentirano je pet djela regulisanih ZONDINOiM-om (dva manje) počinjena od strane pet lica, povratnika u činjenju krivičnih djela.

U sklopu aktivnosti na oduzimanju nelegalno posjedovanog oružja i drugih predmeta oduzeto je: jedna puška, jedan pištolj, osam „noževa, mačeva, sablji i sl.“, pet komada municije raznog kalibra, itd.

Fizičkim licima izdata su 84 odobrenja za nabavku vatrenog oružja (23 manje) i 82 oružna lista (četiri manje).

RAD POLICIJE U ZAJEDNICI

U okviru Rada policije u zajednici, policijski službenici Urave policije MUP-a Kantona Sarajevo su tokom izvještajnog mjeseca preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, školama, predstavnicima vjerskih zajednica, raznim udruženjima građana, nevladinim organizacijama, itd.

Između ostalog, preduzimane su sljedeće aktivnosti:

- U vezi projekta "Policija moj prijatelj" nastavljene su planirane aktivnosti pri čemu su uredništvu časopisa "Vesela sveska" dostavljena tema za mjesec april 2018. godine i to "Zanimanje policajac- policajka",

- Na području općine Novi Grad odražane su edukativne radionice i to u Osnovnoj školi "Osam Nakaš" na temu "Međuvršnjačko nasilje", a u OŠ "Fatima Gunić" na temu "Stop međuvršnjačkom nasilju"

- Nastavljene su aktivnosti na realizaciji projekta ICITAP-a "Uklanjanje grafita" u svim policijskim upravama,

- Policajci u zajednici, PS Hadžići su u školama na području svoje općine vršili predavanja na temu "Međuvršnjačko nasilje", "Djeca u saobraćaju", "Narkomanija", itd,

- Policijski službenici PS Stari Grad su intenzivno saradivali sa Turističkom zajednicom općine Stari Grad, u vezi lične bezbjednosti turista kao i ostalih građana na području općine Stari Grad sa akcentom na užu jezgru Bašćaršije,

- Nastavljene su aktivnosti na realizacije projekta "Jačanja tužilačkih kapaciteta u sistemu krivičnog pravosuđa u BiH"; tako da su održana predavanja pod nazivom "Lopov bude uvijek otkriven" u svim školama na području općina Ilidža i Novo Sarajevo,

- U saradnji sa "AT Store" započete su aktivnosti na realizaciji projekta "Neko te voli" sa ciljem smanjenja broja vozača koji koriste mobilne telefone prilikom vožnje vozila,

- Dana 13.03.2018. godine sačinjen je Izvještaj povodom učešća na manifestaciji "Međunarodni dan prevencije vršnjačkog nasilja u školama",

- Dana 19.03.2018. godine sačinjen je Informacija o poduzetim aktivnostima na implementaciji "Akcionog plana za prevenciju maloljetničkog prijestupništva i rad sa maloljetnicima u kontaktu sa pravosudnim sistemom 2017.-2019. godina", za period od 01.07. do 31.12.2018. godine.

Sarajevo, 13.04.2018. godine
Odjeljenje za odnose s javnošću